

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**D. Gebh. Theodori Meieri Theologi & Prof. in Academia
Julia Antichiliasmus Absolutissimus**

Meier, Gebhard Theodor

Helmstadii, 1696

§. III.

urn:nbn:de:bsz:31-105465

grammate quoque habetur, & ibi ex adducto loco adeo manifeste probata est, ut ipse Chiliastarum. Antesignanus non ausus fuerit, in oppositâ Programmati Animadversione, eicontradidere, sed ibidem §. 30. agnoscat, hoc ipso, quod in textu non dicatur, *ἐκ τρίτου*, sed *ἐκ δευτέρου*, duos præcise definiri adventus Christi, ultra quos nullus admittendus sit adventus tertius. Hinc ipse (cum tamen geminum adhuc expectet iudicium) statuit l. c. in extremo iudicio Christum non esse visibiliter in terrâ appariturum, sed mortuos ipsi fore sursum sistendos. Quare hæc Assertio ulteriori deductione non indiget & tuto præsupponi potest, ipsis etiam Chiliastis consentientibus.

§. III. Ex ista igitur infero hanc secundam assertionem: Unus saltem adhuc erit expectandus Christi adventus (seu visibilis apparitio) ille scilicet, in quo absque peccato conspicietur iis, qui ipsum expectant ad salutem. Ratio manifesta est, primus n. adventus ad peccati profligationem jam diu factus est, unde unus saltem ex illis duobus, nempe posterior futurus adhuc esse poterit, cum præter duos quos Scriptura S. determinat Christi adventus, non possit admitti adventus tertius, fatente ipso Animadversionis Autore §. 30. unde nec quo ad hanc assertionem pugna nobis erit cum Chiliastis. Notanda autem & præsupponenda etiam hæc erat, ut sciamus & certi simus quæcunque in Scripturis S. N. T. de futuro quodam visibili Christi adventu dicuntur, non esse trahenda ad diversos adventus, sed omnia ad illum unum pertinere, & in unico hoc adventu simul esse implenda, quod præsupposito in sequentibus conclusionibus demonstrandis expeditius progredi licebit.

§. IV. Assertio tertia: In hoc adventu iudicabit